

僊居縣志卷之十

厚德列傳

爲善不求知弋名焉則爲也祈報焉則市也然執是論慕苛矣守錢奴疾視人之顛連困苦出毫髮濟之不能婪黷鄙夫股民之生日不暇給縱歆以嘉名惕以善惡報勿顧焉夫緩急人所時有好行其德淡而忘焉賈乎邈哉勉之不已乃成君子則有所慕而爲之與有所畏而不爲又豈可概望之流俗人也

宋

吳福字壽甫性素敦厚括有巨賈留千金于其家

僊居縣志

卷十三

厚德

一

久之不至福爲買遷得羸泊賈之子至悉歸之賈之子曰向吾父留千金羸則君自致吾敢覲乎互相遜讓鄉長者爲中分其息福仍不受捐之僧舍時福尙無子賈之子感其義購得顏氏女納之遂生奉匕綽有父風孫允昭亦好行其德歲饑傾廩以賑全活頗衆

林蕙字文叔評事澤孫也性慷慨好施與每遇嚴冬深雪時夙興四顧里有朝烟不作午戶不啓者輒遺以米炭景定二年蝗食禾餓殍枕籍于途捐廩以賑不給復罄所有易粟繼之家由是



日落終不之悔子濟舟字良甫以進士授融水令多惠政

吳涓生一歲而孤母葉氏矢志貞守以勤儉致富然樂于賑貧乏涓體母心建層樓可望十里許隣里有不舉火者潛令人以粟遺之自括蒼抵海涯悉造磚甃路行道便之監丞張朴贈詩云雪暗無人遺積粟月明有客步康衢歲大稔涓出粟散饑施濟甚衆朱文公熹爲常平使以事聞補其次子椿文學

元

僊居縣志

卷十三

厚德

二

張仲祈字漢傑叅書國衡子志識軼羣書無不窺輕財重然諾賑乏恤貧邑中或待舉火或仰婚墓惠施不倦有范文正風父未立祀田易簣之夕命出已田一頃爲之垂今血食不墜子姓之貧者賴焉子惟善除四川行中書省都事惟本負異才業儒有聲

吳淳字世洪慷慨好施嘗與同



吳德和原善輩

設義塾延翰林張廷璧訓其鄉之子弟初里中惟陸種淳率衆開白馬堰引水灌田至今食其

利云



王濬字懷玉博洽多才藝以詩歌名不樂仕進正統間歲饑輸粟二千石以賑鄉之老弱事聞詔旌其門妻張氏稱克相子光祚能承父志上嘉而官之不統

張慧字彥智有客憇于其門遺數十金去其子拾之以告彥智曰得非過客物乎汝媿以俟其返已而客至遂還之

張樞字廷英夫性孝友好讀書行古之道有妹未嫁而卒樞以二百金遺妹之夫或止之曰吾父

僊居縣志

卷十三

厚德

三

與諸叔析產輒以瘠自與吾繼父志耳嘗設義田以周其里貧者之婚葬弟樞遇虎危甚樞聞奔救之惟持一傘挺身奮逐虎駟而逸

吳子龍字性之號景巖少叅廉子有友人欲為子締婚于子龍未成言已而友人死遂以女妻其子曰向業心諾之矣以序當貢其次老而貧固讓之後為滁州司訓將之任寄金三百奇于某家比返匿其金子龍付之一笑其德量如此

張相時字君遇邑諸生性醇謹人或以急告輒輟寢食趨之應方伯良遺產罄為豪家所吞孫菟



諸勿能自直相時悵然曰何忍使先王遺孤淪  
抑至此乎遂力爲辨傳郡守梅嘆曰若真三代  
遺直也斷還之應如綫之緒賴不墜焉從弟相  
印字君斗以文雄少游應司馬世虞門世虞曰  
君吾畏友也奈何執弟子禮後以子義激被繫  
埤樓劍戟森羅不少動慷慨作城頭吟聞者壯  
之弟相暉除臨安學博卓有英聲子日奎崇禎  
十年貢隱居不仕

應匡號柏泉父巨故饒于貲急然諾好施予人有  
所求無不曲以相應一日里中大疫比戶相染

皆避去父子兄弟故舊罕一視者巨勿之懼也  
遍詣諸病所探之捐資爲市藥求醫所活百餘  
人匡能承父志少問舉子業于鄉先達王刺史  
存忠奇其爲人以女妻之存忠精堪輿術嘗爲  
匡卜兆得萬松菴以厝父匡曰信佳當與從昆  
弟並受大人賜不敢私也遂躅吉以其祖暨諸  
伯父合葬焉存忠掌鼓曰天地鬼神實臨汝心  
厥嗣其昌無須地脉爲也年二十錄于校以所  
得廩金分贍同庠之貧者泊貢又三讓其次匕  
各先得官恬如也或詰以故曰彼親老家貧而



齒復加于我豈市恩哉子大猷大桂俱進士見別傳五世孫昌元亦讓貢于王立柱有匡風焉彭應榮字茂恭性好施習舉子業已而棄去先是其祖得異人授以岐黃術名噪甚其父繼之倭亂後大疫出藥以活者幾千人事聞上勅有司樹楔旌之榮世其業也且益精諸疴投匕輒霍不取值或受隨施之貧乏者壽九十七無疾終子三皆以儒顯至今纍也云

應昌祉字君介號二溟方伯汝化次子方伯逝諸弟悉藐諸孤昌祉朝誠夕課撫之成立性慷慨

僊居縣志

卷十三

厚德

五

好行其德嘗購方市藥製丸散以給貧病崇禎戊辰貢謁選回途遇廬州張某除江西學博將之任得疾卒舟中聞泣聲甚哀往詢其家人對以盤賻無資止一女欲易之昌祉惻然傾囊中三十餘金贈之女得不易昌祉多才足智名籍籍海內顧文戰雅不利洎貢考授通判復坎壈不獲仕益數奇云

張鑑字伯昭審理宅相子爲人溫厚謙讓動皆不妄不喜言人過人有急輟飲食赴之故廬毀于火經始之日先營宗祠而後及其私常卜治生



墾封植歸然人竊而墓之付之不校一夕獲盜  
乃仇家子佯不識縱之去終身不道其名弟伯  
厚工部主事歷仕終趙府長史詳別傳子灝亦  
好其德云

湯立思號懷峯生平疎財仗義尤愛敬才士比有  
落魄至無以爲家者輒延諸舍厚衣食之且久  
而能敬頻年無德色亦無倦容後爲宵人誣以  
他事幾無生理陳都諫某初貧常就食其家深  
啣之力疏救獲釋衆咸謂其好客之報子應樊  
廣東惠州經歷

僊居縣志

卷十三

厚德

六

王汝瑚字用之性醇謹人以婚墓事求貸無不曲  
以應之有逋錢家將鬻妻以償汝瑚聞知力止  
之焚其券馮直指使其義其事頽其堂以獎之  
子懋枝字子桂 國朝恩貢授陝西莊浪知縣  
以慈廉稱先是有王洽者令莊浪以負屯糧三  
百五十兩羈留兩易令而不得代懋枝至立爲  
具印結報完慨然代償之洽得回籍

論曰作善降祥作不善降殃天道也乃或謂  
盜跖日殺不辜膾人肝而鋪之竟以壽終遂  
恣睢而不之顧不知生民來天之報施如盜



距未嘗無一亦未嘗有二典午氏欺人孤寡  
狐媚取天下不數傳卽有牛繼馬後之耻漢  
昭烈曰勿以善小而不爲勿以惡小而爲之  
洵格言云僊都人士故多長者代旣湮莫  
殫知以余所聞何子姓之彬彬耶噫不爽也